

Universitätsbibliothek Paderborn

**Consultationes Theologicæ Et Spirituales Christiani verè
fidelis & verè devoti ...**

... De Excellentiis Jesu Christi Dei-Hominis

Louis François <d'Argentan>

Augustæ Vindel. ; Dilingæ, 1723

VD18 80217931

Artic. I. Angeli è cœlo annuntiant primi mulieribus devotis Resurrectionem
Jesu Christi.

urn:nbn:de:hbz:466:1-45509

dum sanguinem Messiae, qui redimere debebat universum mundum prelio tam magno? non sufficit ergo vobis, occidisse ipsum, eoque demonstraverit se Filium Dei, pro eo, quod adorare ipsum debebatis ex unica hac ratione? an exsoliare ipsum adhuc vultis vitam hanc gloriosam & immortalem, quam traxit eum tumulo suo in resurrectione sua? pecuniam induxitis Iudan proditorem, ut traderet ipsum vobis; nummis cumulatis carnifices, ut supremo ipsum afficerent supplicio; & ad inopiam redigere vos vultis, solvendo milites, ut mentiantur & attestentur pretensum corporis mortui furtum, quod non viderunt cum fateantur occlusos sibi suis oculos somno, & compellitis ipsos, ut negent veritatem gloriosam resurrectionis, cujus oculari sunt testes.

Quid proficit tibi malitiosa fraus tua, o infidelis Jude! Jesus Christus invito te recuperavit vitam, & tu tuam perdidisti pecuniam; denuo indutus es ipse gloria immortali, & oppressus tu manes opprobrio sempiterno. Vade, persevera in tua protervia, accumula mendacium mendacio, impone silentium militi, claude os, quantum potueris, omnibus illis nationis tue, quibus constat veritas resurrectionis hujus gloriosae; sed non clades id Angelis est celo, nec deo-tis mulieribus, nec sanctis Apostolis, nec Prophetis, nec Scripturis, nec rationi, nec experientiae, nec voce cunctorum saeculorum publicae. Ausculta, quid ab his dicatur tibi.

ARGUMENTUM.

Angeli e cœlo annuntiant primi mulieribus devotis resurrectionem Jesu Christi.

ARTICULUS I.

Ad quid impulerit amor
Iesu Christi
devotas fœminas.

Marc. 16.

FAtendum est, devotas mulieres magnam supra viros reportasse in hoc mysterio prærogativam; siquidem ipsæ primæ fuerunt, quæ quæsitum erunt Dominum in monumento suo. Non fuerunt ipsæ desidiosæ, concesserunt namque illuc primo diluculo: valde mane. Non

fuerunt ipsæ avaræ, attulerunt enim secum magnam pretiosorum aromatum copiam, ut ungenter corpus ejus. Non fuerunt ipsæ nec imbellies nec timidæ, siquidem armatos non timebant milites, quos inventuros se credebant, agentes ad monumentum custodias. Quis contulit hanc

hanc illis audaciam? Amor ardens, quo flagabant erga divinum Magistrum & Dominum suum.

Devotio fœminarum ex quā ex æquo merentur, cōcedit sēpē il·quod verè animatæ fuerint spīlam virorum, ritu Dei, & generosum ceperint consilium consecrandi se unicè pietati, habent ipsæ, nescio quem ardorem, erga opera devotionis, in quo virorum excellunt zelum: hinc etiam primæ fuerunt, quibus acciderat beata sors, ut adiscerent veritatem resurrectionis Domini nostri. O Deus! quantum gaudium, quantus jubilus pro amantibus, nōsse, quod dilectus suus, quem credebat mortuum, sit vivus! examinandum vobis relinquo, an fuerint reversæ, omnésque sui fecerint participes gaudii: nunquam viri omnes tam velociter, tamque feliciter benè auspicata hæc divulgaſſent nuntia: oportebat has esse fœminas.

Sed quis dixit illis, ipsum surrexisse. Verum est, quod fuerint ad monumentum, quodque invenerint illud tale, quale id postea S. Remigius descripsit. Erat id spelunca excavata in aliqua rupe, figura ipsius erat rotunda, & amplitudo ejus tam spatioſa, ut commode caperet decem aut duodecim Personas; altitudo tanta, ut non solum ibi stare quis posset erectus; sed ut

manu vix posset attingere fornīcē; ingressus ipsius erat versū Orientem. In intima parte hujus speluncæ à latere dextro erat sepulchrum, quod sublatum à terra cernebatur circiter duos pedes, & incisum in medio petræ, ita ut ipsius aditus non esset in sublimi, sicut sunt hodiè ordinaria nostra sepulchra, sed à latere velut spatium quoddam, quod servire poterat ad deponendum aliquod corpus humanum in pariete, uti antiquis mos erat, & hodiè adhuc videtur Romæ in Catacumbris, quæ sunt cœmeteria subterranea, ubi sanctorum Martyrum sepeliebantur corpora.

Erat ipsis omnino liberum il·Devotæ fœluc intrare; verisimiliter enim ibi mine non milites non amplius aderant, cōamplius invequod concesserint Sacerdotibus nerunt corpus Iesu Christi in sepulnuntia; invenerunt adhæc magnum lapidem, qui ipsius occuludebat aditum, revolutum ab Angelo. Intrate, eja devotæ fœminæ, & videte pretiosum hoc corpus, possidete divitem hunc thesaurem, quem ivistis indagatum. Sed, eheu! non invenitis illum amplius; ecce quidem linteamina, quo fuerat involutus. Sed quod devenit ipsius corpus? an custodes subripuerunt illud? an quispiam id sustulit furto? sed cui bono id serviet illi? inspice te iteratò sepulchrum, quærите benè ubique, ne fidatis oculis ve
Hhhhhh stris

Descriptio
sancti sepul-
chri.

stris solum, porrigit & illuc manus: incassum hoc est, non enim est ibi amplius.

Joan. 20.

Quid faciant ad hæc? usitatum afflictarum fœminarum refugium sunt lacrymæ. Magdalena magis amans, magisque sollicita omnium, hæret immobilis, & semimortua præ dolore; interim dum ex oculis suis duos facit torrentes, apparent ipsi duo Angeli, uti refert S. Joannes, unus ad caput, unus ad pedes monumenti: Mulier quid ploras? Tulerunt Dominum meum, & nescio ubi posuerunt eum. Hæc cum dixisset, conversa est retrorsum, & vidit quempiam, quem Jesus Christus credebat esse hortulanum (erat apparebat Magdalena namque in horto monumentum velut tum) Domine, situs sustulisti eum, hortulanus, dico mihi, & ego eum tollam. O Magdalena, quam benè demonstras, alienatam te esse à teipsa, téque nescire quid facias, aut quid dicas!

Mirabilis a-
moris æstus
in Magdale-
na.

Itane duo Angeli è celo, loquantur tecum, & tu faciem avertas ab eis? Intueris quemdam opificem, & vocas ipsum Dominum, tu, quæ illustris es fœmina? queris ex eo, an sustulerit ipsum, quin illi dicas, de quo loquaris? proponis tibi tollere corpus mortuum viri magni, quasi non esset, nisi flos horiti, tu, quæ imbellis es mulier? an igitur perdidisti rationem, dum ita agis dum ita loqueris?

responderet ipsa tibi illis S. Bernardi verbis: O amor præceps, ve- S. Bernard. hemens & flagrans, qui præter te aliud ferit 79. in cogitare non sinis. Quid vultis? Cantic.

amor ardens & accentus non cogitat nisi de eo, quod amat. Non sunt Angeli, quos queris, est Deus Angelorum; non aspicio, sicut appello, eum, qui dare mihi potest nova de dilecto meo, quando esset non nisi novissimus hominum, appellarem ipsum Dominum meum, modò informaret me, ubi sit thesaurus meus; non est opus ipsi dicere, de quo loquar; nonne enim omnes nōrunt, quodnam sit meum desiderium? sed tandem, modò dicatur mihi, ubi sit, tollam eum, plus mihi est virium, quam indigeam; collocabo ipsum velut faliculum myrræ inter ubera mea, & volabo præ gaudio, certa, me in portando ipso nihil habituram difficultatis.

Ecce tibi amorem in Magda- Amor Mag-
lena profecto ardenter quidem; datenæ possi-
sed cœcus est; fruitur actualiter dens non pos-
amato, sed nescit; privata veluti
manet possessione ejus, quod
possidet; habet dilectum suum
coram, & ipsum non videt (nam
exsiccatus ille hortulanus, quem
vocat Dominum, est ipsemet
Jesus Christus) loquitur is ipsi,
sed ipsa illum non intelligit, de-
monstrat se ipsi viventem, sed
ipsa non cognoscit illum, quia
redit, quod sit mortuus, quoad
audire

audire illam faciat eandem vocem, quā toties demulserat ipsam; quoad eodem loquatur accentu, quo divinè ipsius fascinaverat animam ab auspicato momento conversionis suæ, quoad ipsam proprio compellat nomine, Maria. Ah! satis hoc erat, illustrata mox fuit & tota accensa, projectit se ad pedes ejus: *Rabboni.* Ah! divine mi Magister, tu ipsemet es, agnosco te, sufficit, relinqu dolores meos omnes ad pedes tuos, confers mihi vitam, dum video, te esse in vita.

Deus quan- O Deus! quām mirabilia sunt doque osten- sancti amoris articia, sed quām dit & abscon- incomprehensibilia ipsius sunt dit se anima- consilia! abscondit se frequen-

ter, quando ostendit se alicui animæ; vult quæri, quando est præsens, vult desiderari ardentius, quando possidetur. Et quamvis illa reipsâ sit beata quando tota impletur Deo, nihilominus gemit & plangit, seque credit infelicem, eòquod Deus ipsi tribuat, ipsique abscondeat eodem tempore perfectam felicitatem suam. Ecce, mi Deus, affligis eam, dum ipsam consolaris? cur ipsam privasti possessione, dum possessione tui fruitur? est tibi præsentissima, sed ipsa non videt, eòquod privata sit lumine; audit vocem tuam, sed illam non cognoscit, eòquod nullo perfundatur sapore in omnibus verbis

tuis; querit ex te ipso, ubi sis, & credit, quod amiserit te, & tu videre ipsam in fævis hisce afflerti amoris sui tormentis complaces tibi.

Sed quando post multas inquisiciones, sollicitationes & plures effusas lacrymas cum ardenti inveniendi te desiderio, unico verbo amicabili dignaris ipsam, proprio eam compellans nomine, demonstrans ipsi unicum parvulum radium faciei tuæ, & auseculare faciens ipsam sonum vocis tuæ, quā loqueris animabus, quibus blandiris, quod unicum votum erat sponsæ in sacro Epithalamio: *Ostende mihi faciem tuam, sonet vox tua in auribus meis;* O Deus bone? satis est, ut repleatur gaudio, in momento, anni, quibus spoliata existebat, compensantur centuplo. Quid ergo erit, quando videbimus omnes splendores tuos in splendoribus æternitatis, certi, nos illos amplius haud amissuros, nec dimisuros ex aspectu? breve momentum tribulationum vitæ præsentis, nonnè sufficientem recipiat remunerationem?

Nihilominus Magdalena tam amans, tamque amata, non sola fuit, quæ certitudinem accepit de resurrectione Domini nostri: omnes aliæ devotæ fœminæ, quæ comitabantur ipsam haud aliter ac ipsa, illius è cœlo accipiebant informationem. Siquidem

H h h h h 2 S.Mat-

S. Matthæus scribit, quòd idem Angelus, cuius præsentia tota Majestate resplendens pavescerat & in fugam egerat milites, dixerit ipsis :

Matth. 28.

Nolite timere vos, scio enim, quod Iesum, qui crucifixus est, queritis. Non est hic; surrexit enim, sicut dixit; venite & videte locum, ubi positus erat Dominus: & cito euntes dicte discipulis ejus, quia surrexit; & ecce præcedet vos in Galilæam, ibi eum videbitis.

An fidendum

sit revelatio-
nibus fœmi-
narum,

Dicitis mihi, sunt fœminæ, quæ sua retulerunt ipsis somnia, an multum æstimandæ sint ipsarum visiones & revelationes imaginariæ? quis nescit, ipsas facile seduci posse, & in hoc seduci indies? unde est, quòd nonnisi quasi fœminæ, & cum primis illæ, quæ sunt vel videri volunt devotæ, frequentes habeant visiones, revelationes, prophetias & & inusitatæ cum Deo familiaritates, quas semper efficiunt esse credunt Spiritus Dei? & quare nonnisi rariissimè hoc conspicitur in viris? unde hoc est, nisi è forti imaginatione & debilitate intellectus, quæ afficiuntur fœminæ? magnus quidam Dei famulus nostri sacerduli & in-

signis director animarum astrebatur, sæpius diabolum ludere cum spiritu devotarum mulierum, sicut ventus versatilibus cum pinnulis supra verticem eterorum.

Ita, sed respectu falsarum de-
Sex signa,
votarum, quæ inusitatæ ambi-
quibus disce-
lare ambiant vias. Nihil fre-
quentius est, quam videre ipsas
deceptas, imò & illos, qui ipsas
dirigunt, si decipi fe sinant, si
nimis facilem ipsis praebant au-
ditum, & adhibeant fidem. Et
nihilominus tam facile discerni
non potest, quænam sint veræ,
& quænam sint falsæ votarum. Il-
læ, quæ characterem gerunt de-
votarum harum fœminarum,
quarum laus est in Evangelio,
quæque primæ accepérunt nuntia
de resurrectione Domini no-
stri, nunquam decipi possunt,
nec decipere quemquam. Vide-
te, quomodo ipsæ se gerant; ob-
servabitis sex conditiones veræ
alicujus votaræ.

Primò ipsæ fuerunt ferventes
& diligentes; siquidem summo
surrexerunt diluculo: *valde manè.* Marc. 16.
Primum principium & velut es-
sentiæ requisitum ad consti-
tuendum aliquam veram devo-
tatem, est devotione ipsa, quam S. dor voluntatis
Thomas consistere vult, non in tis.
raptibus, non in extasibus, non
in luminibus, non in gustibus
spiritualibus, sed in pomptitudi-
ne & in gaudio voluntatis ad
perfici-

perficiendum opera pietatis. Devotionio expellit ab anima desidiam, negligentiam, reporem, vecordiam; devotionio non patitur hanc procrastinationem, nec longas has deliberationes, quando agitur de bono opere: devotionio non urgetur nec cogitur cum difficultate ad servitium Dei, sed illuc volat cum voluptate; devotionio, quæ non animatur fervore spiritus, est corpus sine anima.

2. Obedientia Secundò ipsæ non faciunt non sequens propriam suam voluntatem; si voluntatem fecutæ fuissent sui ardorem zeli, remansissent ad monumentum divini Magistri sui, ex die, quo positus fuerat illuc, & sequenti; sed hic erat dies Sabbathi, & ipsæ noverant, prohibuisse Deum in lege sua aliquo labore violare illum: erat devotionio ipsarum bene ordinata, magis obediendo voluntati Dei, quam propriæ suæ inclinationi. Innumeros reperire est, quæ devotionem servari vellent, modo devotionem sibi fabricari ad suum licet libatum & facere, quidquid sua sibi suaderet agendi libido. Sed quando renuntiandum est sibi ipsi, & propria frangenda voluntas, ut in opus redigatur voluntas Dei, in quo ipsæ sentiunt difficultatem ac repugnantiam; hic est, ubi nihil habent, nec sentiunt devotionis. Nihilominus inviolabilis est regula, nullam veram

devotionem esse, nisi illam, quæ pure conjuncta est cum voluntate Dei.

Tertiò non inficiuntur ipsæ Non amare amore proprio, nec propriis suis se ipsas, nec student comodis; non sunt sol-propria complicata, ut vel suo indulgeant gemitudo sua. nio, vel ut vano se comant ornatu; sed potius negligentes sunt & avaræ pro seipsis, curiosæ & liberales pro Deo: siquidem non parcunt pecuniæ in emenda magna copiâ unguentorum & preciosorum aromatum, ad inungendum adorandum hoc corpus, quod inquirebant. Nihil stat nimio pro eo, quod amatitur; vera devotione docet spernere semet ipsum, sequè exsoliare rebus omnibus; profundere autem omnia largiter pro Deo, sive in personas pauperum, sive ad servitium Altarium; & ad procurandum in omnibus gloriam Dei, abs eo, quod in aliquo gloria queratur propria. O quam paucas reperire est devotiones, quæ propriis non studeant nec inhinent commodis!

Quarto ipsæ generoso sunt. Esse genimo, non metuentes vel rotas & infatilabores vel pericula. Optimè gables in studiorant, plures adesse milites, qui custodiant sepulchrum, omnesque arceant a propiore accessu: norant ingentem lapidem ad voluntum esse ad ostium monumenti, nec satis sibi esse virium ad revolvendum illum; sed ve-

Hhhhh 3 rus

rus amor nihil intuetur difficultatis in executione ejus, quod desiderat, omnia videntur ipsi superatu facillima. Reipsa non viderunt amplius milites inveniuerunt revolutum lapidem ab ostio monumenti, & omnia obstracula, quæ videbantur invincibilia, reperire sublata. O quam probè novit Deus conferre facilitatem exequendis bonis consiliis, quæ inspirat nobis! absterrere non debent difficultates apparentes.

Difficultates
virtutum non
sunt nisi ap-
parentes.

Qui metuisset leones colloca-tos ad gradus superbi throni Salomonici, nunquam ausus fuisset conscendere illuc, erant enim aspectu terribiles. Verum qui accedebat propius, inveniebat, ipsos esse leones aureos, qui pro eo, quod impedirent, potius ad miniculò erant ad conscenden-dum thronum. Eheu! quot timidæ animæ nunquam conscient thronum veri Salomonis, id est, nunquam pertingent ad unionem cum Deo, quamvis maximos erga devotionem sentiant stimulos, eoque retineantur ab imaginariis difficultatibus, quas conspicunt in exercitio magnarum virtutum, quas nihilo minus invenirent facillimas, si credere solum possent, illas sibi esse possibles!

Quinto ipse erant valde pru-dentes in sua agendi ratione. Si quidem cùm irent valde manè,

& antè diluculum quasi ad sa-5. Esse valde crum sepulchrum, benè nove-prudentes in rant, congruum esse, ut plures rarijone agen-irent simul. Haud decorum est, di- nec convenit alicui devotæ, am-bulare solam in tenebris & in lo-cis semotis, quando etiam id fo-ret ad mandanda executioni consilia optima, & cum intentio-ne subtrahendi ex humilitate bo-na sua opera cognitioni homini-num. Bonum est, perficere in publico omnes actiones obligatorias, pro bono exemplo proximi; bonum est etiam, perficere in occulto omnes actiones supererogatorias, ne videatur quis singularis, nec exponatur tentationi vanæ gloriae. Sed ve-ra prudentia Christiana nos ob-stringit, ne demus unquam ulli ansam judicandi malè de nostra vivendi ratione.

Tandem fœminæ istæ opti-6. Habere in-mam sibi præfixam habebant in-tentionem tentionem; siquidem non quæ purissimam, rebant nisi Deum, & insuper non collinante niq; in Deum so-Deum humiliatum, Deum mor-tuum, & omnino quasi annihi-latum; non exspectabant, in ven-turas se Deum vivum & indu-tum gloriæ, quem haberent sibi loquentem, sibi blandientem; non sperabant, visuras se An-ge-los, non aliam aucupabant consolationem, nisi quod supre-ma exhibere vellent obsequia corpori Redemptoris sui, quod adhuc reperturas se ctedebant vitâ



vita exutum & sensu; volebant solummodo illud suis irrigare lacrymis, inungere aromatibus; ast dum nullam inquirebant consolationem sensibilem, omnimoda se refertas cernebant felicitate. Ecce quales sint characteres, qualisque notae fideles veram aliquam devotam enuntiantes, ex quibus colligere possitis, an credendum sit ejusmodi alicui devotæ, si dixerit, vidisse se Angelos, eosque auscultasse libi loquentes, aut revelationes

habuisse divinas; siquidem possibile non est, illas vel decipere vel decipi.

Sed nihilominus dices, ipsas non esse nisi foeminas, & solo foeminarum testimonio non stabilire Ecclesiam ullum fidei suæ articulum. Sit verum hoc? sed non solum devotarum foeminarum innixa relationi credit Ecclesia Mysterium Resurrectionis Domini nostri; manifestatum id est luculenter Apostolis, & per has toti Ecclesiae, ut videbitis.

ARGUMENTUM.

Omnis Apostoli oculati fuerunt testes Resurrectionis Iesu Christi.

ARTICULUS II.

Maxima omnium Apostolorum fuit consternatio, dum divinum Magistrum suum exspirasse conspexerunt supra Crucem in monte Calvariae, & quando jam tumulo ipsum viderunt illatum, ablatam sibi crediderunt omnem spem, amissa omnia, triumphantibus interim & jubilantibus potestatibus inferni. Eximia sunt hac super re Regii Vatis verba Psalmo 103. *Posuisti tenebras, & facta est nox, in ipsa per Bestiae feroce transibunt omnes bestiae silva: catuli audaces sunt leonum, rugientes, ut rapiant, & querant a Deo escam sibi. Ortus est sol, & congregati sunt, & in cubilibus suis collocabuntur.* Explanatio Castilio-

dori, quam desuper affert, per acri suo est digna ingenio. Ecce vobis illam.

Quando Iesus Christus passus est & mortuus in Cruce circa plenum meridiem, diffuderunt se tenebrae universales super omnem terram, quasi tota natura indueret luctum ex morte Creatoris sui: stante profundâ hâc nocte, dæmones velut bestie feroce prodiérunt ex antris inferni, & liberè per omnem va- Dæmones circumcursi-ferni, & liberè per omnem va-tabant in ter-
gabant terram: Jamjam cre- ris, dum tene-debat se mundi Dominos, in- brae erant intuientes universalem hanc om- morte Iesunum creaturarum turbationem, Christi.
tenebras has paßim diffusas, hanc